

Na osnovu člana 2. Odluke o osnivanju Državne komisije za saradnju BiH s Organizacijom Ujedinjenih nacija za obrazovanje, nauku i kulturu (UNESCO), Državna komisija za saradnju BiH s UNESCO-om, na 20. sjednici, održanoj dana 3. februara 2015. godine, donosi

**PROCEDURE I KRITERIJE
ZA PODNOŠENJE ZAHTEVA I DODJELU POKROVITELJSTVA DRŽAVNE
KOMISIJE ZA SARADNJU BIH S UNESCO-om I DAVANJE PODRŠKE ZA
TRAŽENJE POKROVITELJSTVA OD STRANE UNESCO-a**

Član 1.

Ovim dokumentom definiraju se Procedure i kriteriji za podnošenje zahtjeva i dodjelu pokroviteljstva Državne komisije za saradnju BiH s UNESCO (u daljem tekstu: Komisija), i davanje podrške Komisije za traženje pokroviteljstva od strane UNESCO-a (u daljem tekstu: Procedure).

Član 2.

- (1) Jednom godišnje Komisija objavljuje poziv zainteresiranim subjektima za podnošenje zahtjeva za dodjelu pokroviteljstva Komisije i davanje podrške Komisije za traženje pokroviteljstva UNESCO-a (u daljem tekstu: Zahtjev).
- (2) Poziv se objavljuje u tekućoj godini za aktivnosti zainteresiranih aplikanata koje se planiraju realizirati u narednoj godini.
- (3) Komisija poziv objavljuje početkom trećeg kvartala tekuće godine i isti je otvoren tri mjeseca.
- (4) Pododbori u sastavu Komisije, razmatraju primljene zahtjeve u zavisnosti od oblasti iz nadležnosti UNESCO-a, i u skladu s kriterijima definiranim u članu 4. i članu 5. Procedure, daju pisani prijedlog Komisiji s obrazloženjem opavdanosti dodjele pokroviteljstva i rezultatima bodovanja. Minimalni broj bodova koji podnositelj zahtjeva treba da dobije da bi mogao biti predložen za dodjelu pokroviteljstva je 30.
- (5) Komisija odluke donosi najkasnije u decembru mjesecu tekuće godine za aktivnosti koje će se realizirati u narednoj godini, osim u slučajevima kad je važnost projekta znatna, a postoje nesumnjivi razlozi koji uvjeravaju da se izvedba projekta nije mogla predvidjeti u prošloj godini.
- (6) Davanje pokroviteljstva Komisije ne znači davanje finansijske podrške projektu već odobrenje korištenja logoa i naziva Komisije za odabrane aktivnosti iz oblasti koje su u nadležnosti UNESCO-a.

Član 3.

- (1) Zahtjevi za pokroviteljstvo Komisije i zahtjevi za podršku Komisije za traženje pokroviteljstva UNESCO-a dostavljaju se na obrascu koji se objavljuje uz objavu poziva za podnošenje zahtjeva i koji je sastavni dio ovog dokumenta.
- (2) U obrascu se jasno naznačava predmet zahtjeva koji može biti: a) zahtjev za pokroviteljstvo Državne komisije za UNESCO (za aktivnosti koje su od značaja u BiH) i b) zahtjev za podršku Komisije za pokroviteljstvo UNESCO-a za aktivnosti regionalnog i međunarodnog karaktera i značaja.

- (3) Obrazac za podnošenje zahtjeva dostavlja se na jednom od službenih jezika u BiH i uz obrazac dostavlja se sljedeća ovjerena dokumentacija:
- a) Rješenje o registraciji podnosioca zahtjeva
 - b) Opis aktivnosti za koje se traži pokroviteljstvo s obrazloženjem opravdanosti dodjele pokroviteljstva i navođenjem svih učesnika i partnera u aktivnostima
 - c) Dosadašnje iskustvo podnosioca zahtjeva
 - d) Pisma podrške nadležnih institucija u BiH
 - e) Izjava da su obezbijeđena potrebna finansijska sredstva za realizaciju aktivnosti za koje se traži pokroviteljstvo
 - f) Izjava pod krivičnom i materijalnom odgovornosti da podnositelj zahtjeva nema neizmirenih obaveza iz ranijih godina.
- (4) Pri podnošenju zahtjeva za podršku Komisije za pokroviteljstvo UNESCO-a potrebno je dostaviti:
- a) pismo-molbu za pokroviteljstvo UNESCO-a na engleskom jeziku sa prijevodom na jedan od službenih jezika u BiH,
 - b) popunjen obrazac za Zahtjev za pokroviteljstvo i korištenje imena i logoa UNESCO-a i
 - c) dokumentaciju navedenu u stavu (3) ovog člana.
- (5) U slučaju direktnog slanja zahtjeva mimo navedene procedure, za iste se neće izdavati pismo podrške Komisije, koja je po proceduri UNESCO-a neophodno da bi zahtjev bio uzet u proceduru.

Član 4.

- (1) Odluka o davanju pokroviteljstva Komisije donosiće se na osnovu sljedećih kriterija:
- a) Aktivnost doprinosi promociji/vidljivosti i ciljevima UNESCO-a (10 bodova),
 - b) Aktivnost doprinosi unapređenju saradnje institucija u BiH (5 bodova),
 - c) Aktivnost doprinosi jačanju partnerstva između javnog i civilnog sektora, nevladinih organizacija i privatnog sektora i saradnji između njih (5 bodova)
 - d) Aktivnost ima podršku nadležnog kantonalnog/entitetskog ministarstva (entiteta/kanton prema sjedištu podnosioca zahtjeva) (5 bodova),
 - e) Aktivnost je u skladu s aktivnostima Komisije koje se odnose na saradnju s UNESCO-m (5 bodova),
 - f) Aktivnost doprinosi implemetaciji UNESCO konvencija i drugih dokumenata koje je BiH prihvatila (10 bodova),
 - g) Misija i vizija organizacije podnosioca zahtjeva u skladu sa vrijednostima, principima i ustavnim ciljevima UNESCO-a (10 bodova).
- (2) Pokroviteljstvo se dodjeljuje aktivnosti, a ne organizaciji odnosno pojedincu, te se i znak Državne komisije za saradnju s UNESCO može koristiti samo na materijalima vezanim uz aktivnosti za koje se daje pokroviteljstvo.
- (3) Pokroviteljstvo se dodjeljuje na određeno vrijeme, u zavisnosti od trajanja aktivnosti.
- (4) Državna komisija za UNESCO ima mogućnost aktivnog učešća u pripremi i realizaciji aktivnosti za koju se traži pokroviteljstvo.
- (5) Za aktivnosti koje se periodično ponavljaju, potrebno je tražiti pokroviteljstvo za svaki novi segment aktivnosti.


- (6) Dodjela pokroviteljstva ne podrazumijeva finansijsku pomoć niti pravnu obavezu Komisije ka aktivnosti i nositelju aktivnosti.

Član 5.

- (1) Odluke o davanju podrške Komisije za traženje pokroviteljstva UNESCO-a donosit će se na osnovu sljedećih kriterija:
- a) Aktivnost doprinosi promociji/vidljivosti i ciljevima UNESCO-a, odnosno ima značajan uticaj na obrazovanje, nauku, kulturu ili komunikacije (15 bodova),
 - b) Aktivnost doprinosi promociji BiH na regionalnom i međunarodnom planu (10 bodova),
 - c) Aktivnost ima podršku nadležnog kantonalnog/entitetskog ministarstva (entiteta/kanton prema sjedištu podnositelja zahtjeva) (10 bodova),
 - d) Misija i vizija organizacije podnositelja zahtjeva u skladu sa vrijednostima, principima i ustavnim ciljevima UNESCO-a (15 bodova).
- (2) Pokroviteljstvo UNESCO-a se dodjeljuje kao moralna podrška izuzetnim aktivnostima.
- (3) Pokroviteljstvo se dodjeljuje aktivnosti, a ne organizaciji, odnosno pojedincu.
- (4) Pokroviteljstvo se dodjeljuje na određeno vrijeme, u zavisnosti od trajanja aktivnosti.
- (5) Državna komisija za UNESCO mora imati mogućnost aktivnog učešća u pripremi i realizaciji aktivnosti za koju se traži pokroviteljstvo.
- (6) Organizator mora obezbijediti adekvatnu medijsku vidljivost kroz korištenje naziva, skraćenice i logoa UNESCO-a.
- (7) Za aktivnosti koje se periodično ponavljaju, potrebno je tražiti pokroviteljstvo za svaki novi segment aktivnosti.
- (8) Dodjela pokroviteljstva ne podrazumijeva finansijsku pomoć niti pravnu obavezu UNESCO-a ka aktivnosti i nosiocu aktivnosti.
- (9) Korištenje znaka UNESCOa moguće je isključivo u skladu s procedurama UNESCO-a.

Član 6.

- (1) Procedure stupaju na snagu danom donošenja.
- (2) Izmjene Procedura moguće su po istom postupku kao i donošenje istih.



**Ministar i
predsjednik Državne komisije za saradnju
Bosne i Hercegovine s UNESCO-om**

mr. Sredoje Nović

Broj: 10-35-1-231/15
Datum: 9.2.2015.g.